



# Ստեփան Զորյան

## Զրհորի մոտ

...Էս, ինչ որ պատմում եմ – Ավստրու կողմն էր: Շաբթից ավելի՝ առավոտ, իրիկուն կովում էինք: Ցերեկը հանգստանում էինք շոգի պատճառով առավոտ, իրիկուն կրակում... Մին ավստրիացիք էին առաջ գալի, մին մենք էինք վրա տալի, բայց միշտ էնպես էր ըլում, որ մնում էինք էլի մեր տեղերում, մեր հին դիրքում: Բա՛ց, դուրան տեղ էր. հերիք էր գլուխներս բարձրացնեիք՝ իրար տեսնում էինք, իսկ դորբինով հո ոնց առաջիդ: Մեր ու ավստրացոց արանքին մի տուն կար միայն, մի մեծ տուն, երկու հարկանի, կտուրը երկաթած: “Կալվածատիրոջ տունն է”, ասում էին. նրա դաշան էր, ինչ... Առաջին էլ պարտեզ կար, սիրուն ճաղավոր պարիսպներով: Էնքան մոտիկ էր, որ ամեն ինչ տեսնում էինք: Դրա մոտ էլ ջրհոր կար՝ երկար փետով (էն, որ ռուսները ժուրավի են ասում): Ինչքա՛ն էինք ծիծաղում էդ փետի վրա... Էդտեղ՝ կովից ամեն բան՝ տունը, ծառերը, ախպեր, կուշ են եկել, կարծես ուզում են թաքնվել, բայց էդ փետը էդ ժուրավը՝ մեն մենակ տնկվել է դաշտի մեջ ու դունչը մեկնել երկինք: “Աղոթում է”, ասում էին տղերքը: “Չէ, մեզանից խռովել է, գանգատ է անում աստծուն”: Մի քանիսն էլ թե՛ “Մեզ բանի տեղ չի դնում. ինչքան ուզում եք կրակեցեք, ինձ բան չեք անի, ասում է”: Ու մենք կրակում ենք մին մին էլ հանաքով նշան էինք բռնում, բայց նրա համար՝ հե՛ջ...

Ու էսպես շաբաթից ավելի... կրակում ենք, կրակում, բայց արևը բարձրանում էր թե չէ՝ կրակոցը երկու կողմից էլ դադարում էր:

Կռիվը՝ կռիվ, էդ արևն էլ մի կողմից էր նեղում մեզ: Բաց դաշտ, ամառվա շոգ օր... ջուր էլ չկա: Մի բոչկա ջուրը, խնայելով խմում ենք, երկու օր. օրական մի

բակլաշկա՝ ոնց որ ուղտին գդալով ջրես...

Մի օր էլ, ըհը՛, ջուր չկա... Բոչկեն էլ է հատել, բակլաշկաներն էլ... Ծարավից տղերանց բերանը բաց էր մնացել հավի պես... Լեզուներս կպել, չորացել է... Գիտեք էլի, երբ մարդ ծարավ է, ոնց է ըլնում...

“Այ, մի քիչ ջուր հա՛” ասում ենք իրար:

Բայց ո՞րտեղից... Բոչկեն գնացել էր ու մի օր էր չկար: Բռնվե՞լ էր, ձի՞ն էր ընկել, ի՞նչ էր պատահել, չկա՛ր... Մեր բախտից ավստրացիք էլ չեն շարժվում, թե չէ մի հա՛յ անեին՝ իրենց գերի էինք... Էնպես էինք թուլացել: Մենակ մենք չենք էդպես, մեր վաշտապետն էլ պակաս չի մեզնից: Տեսնում ենք շուտ շուտ ավստրացոց կողմն է նայում, պոռոչները չպպացնում է ու՝ “չորտ վագմի, ասում է, ե՞րբ պիտի ջուր բերեն”:

Դա բեղերը նոր ծլած տղա էր, լուս ստուղենտ, բերել էին աֆիցեր: Լավ տղա էր, հասկացող, հանաքջի. իրան էլ Վասիլի Վլասիչ էին ասում: Դա նայեց, նայեց ավստրացոց կողմը, մին էլ թե՛ “չորտ վագմի, գոնե էս ջրհորը մոտիկ ըլեր”... Մենք էլ նայում ենք ջրհորին ու զարմանում, որ ջուրն էսքան մոտիկ է ու անկարելի հեռու: Ծարավ մարդիկ ու ջրհո՛ր... Նայում ենք ոնց որ սովածը հացին:

Բա ջուրն էսքան մոտիկ ըլի ու մենք էսպես ծարա՛վ, ասում է տղաներից մինը:

Էդ ասի է՛, տնքում են տղերքը:

Իսկ մեր վաշտապետը պոռոչները չպպացնում է ու շարունակ՝ “Չորտ վագմի, չորտ վագմի...”;

Տեսնում ենք, խեղճը ինքն էլ է տանջվում ծարավից:

Խոսում ենք, մին էլ տղաներից մինը թե՛

Այ, մեկը ըլներ էդ ջրհորից ջուր բերեր հա՛...

Էդրան հերիք էր արդեն: Ամեն կողմից վրա տվին:

Ասում են ու իրար նայում: Ասում են ու վաշտապետին նայում:

Եկեք մեզնից մինը թող գնա:

Գժվե՛լ եք, ինչ է. նրանք էնտեղ նստած (այսինքն ավատրացիք), ասում են, ճանճ էլ գա կտեսնեն:

Մին էլ թե՛

Եկեք փորձենք:

Այ տղերք, ձեռք վեր կալեք, ասում են, շանսատակ կանեն:

Մի քանիսը թե՛ փորձենք, մի քանիսը՝ թե թարկը տվեք:

Վերջը թե՛ անպատճառ, ինչ էլ ուզում է ըլի պետք է գնանք:

Բայց ո՞վ գնա, ո՞վ չգնա, թե՛ եկեք վիճակ զգենք. երեսուն քառասուն թուղթ փաթաթեցին ու լցրին մի փափախ:

Դե՛հ, հանեցե՛ք...

Հանեց սա, հանեց նա, մի ութը, ինը մարդ, վրա տասը, տերդ խնդա Բաղդասար, վիճակն ընկավ ինձ:

“Դե, գնա հիմի, ասում են ինքս ինձ, ա՛յ քեզ օյին. երկու տարի ազատվեցիր կրակից, հիմի արի ջրի ճամփին մեռի. էսպես էլ սարսաղություն...”:

Բայց ընկերական բան է, ինչ պիտի անես, ընկել ես – պիտի կատարես:

Դե, արի՛ գնա, արի գնա, ասում են:

Իսկ ես ժած չեմ գալիս. դեռ կարծում եմ հանար է: Թուղթը ձեռիս շուռ եմ տալիս դեսուդեն: Տղերքն էլ կարծում են վախենում են:

Չի՞ վախենում ես...

Նամուս չվերցրեց:

Կատուին թե՛ կապեցեք գնամ. ասում եմ:

Էստեղ թե՛ Վասիլի Վլասիչին ասենք – նոր (այսինքն վաշտապետին): Վասիլի Վլասիչը ակոպի մի ծերուն նստած՝ պապիրոս էր շինում: Երկու տղա մոտեցան թե՛

Թույլ տվեք, վաշե բլագորոդիյե, գնանք ջրհորից ջուր բերենք...

Ո՞ր ջրհորից, ասում է:

Տղերքը ցույց տվին մեր առաջին ջրհորը:

Վաշտապետը բարկացավ:

Գժվե՞լ եք, ի՞նչ է, ասում է, ինչպես կարելի է, չե՞ որ իսկույն կապանեն: Նիկակ նիլզյա՛...

Տղերքը թե՛

Վաշե բլագորոդիյե, դուք թողեք միայն, ոչինչ էլ չի լինի: Էսպես կանենք, որ չտեսնեն:

Բայց ո՞վ է գնում, ասում է:

Թե՛ Բադդասարը: Այսինքն՝ ես:

Վաշտապետը մի քիչ չեմ ու չում արավ: “Ափսոս է տղեն” ասում է: Բայց վերջը տեսավ շատ են խնդրում, ծարավից մեռնում են, ճար չկա, ինքն էլ ծարավ՝ թողեց: Կանչեց ինձ իրա մոտ ու խրատեց:

Բայց էնպես գնա, ասում է, որ չտեսնեն հա՛... Կարո՞ղ ես...

Կաշխատեմ, ասում եմ:

Տղերքն ուրախացան: Կատուրը բերին, կտոր կտոր թելեր իրար արին՝ ունկը կապեցին ու տվին ինձ:

Դե՛, քեզ տեսնենք:

Բարի ճանապարհ...

Հաջողությո՛ւն...

Թելը դրի կատուի մեջ, կատուրը ձեռս առա, սողալով անցա ակոպի թումբը՝ ու՛ չոքե չոք, չոքե չոք... Գնում եմ փորս գետնին քսելով, գնում եմ ծիտ տեսած կատվի պես: Փորսող եմ տալիս խոտերի միջով, ու կատուրը միշտ աջ ձեռքիս, գլխիս առաջ բռնած, որ եթե կրակեն էլ՝ կատուին դիպչի...

Միամի՛տ մարդ. կարծում էի կատուից հետո ինձ չի դիպչի, կամ հենց եկած գնդակը կատուի վրա է գալիս... Էսպես է. վախից խոտի շվաքումն էլ կպահվես... Գնում եմ, ու մի կողմից վախենում եմ, մի կողմից էլ ուզում եմ անպատճառ գնալ, գնալ ի՛նչ էլ լինի: Անունի, պատվի խնդիր է:

“Եթե ճակատիս գրած է, որ մեռնելու եմ Էսպես տեղ, Էսպես բանի համար, թող մեռնեմ, ասում եմ, ոչինչ...”:

Մտածում եմ ու գնում. գնում եմ ու մտածում: Լավ է, կանաչ է. գնայու ժամանակ Էնքան էլ չեմ երևում: Կանաչը Էսպես մի թզից ավելի է: Էս կանաչները տափակագնելով սողում եմ... Արևն էլ վերևից Էնպես է վառում, որ տերղ խնդա... Էնքան շոգից չեմ նեղվում, ինչքան քրտինքից... Քրտինքը ծլում է երեսիցս, թափվել է ականջներիս ետևը... ուզում եմ սրբեմ՝ ձեռ կբարձրանա՛... Միրտս խնոցու պես գցում է փորումս: Բայց գնում եմ էլի, գնո՛ւմ. ավստրագիք դեռ չեմ տեսնում... Շուտով հոգնեցի, փովեցի կանաչների վրա... Հանգստացա ու նորից... Գնում եմ – էլի չեմ տեսնում... Մի երկու անգամ նայեցի մերոնց կողմը. տեսնեմ՝ ետևիցս ծիկրակում են թաքուն, իսկ ավստրագիք – հե՛չ... Ժաժ չեմ գալիս. չեմ տեսնում...

Էսպես, ախպերս, որ դուք եք, չորք չոր սողալով հասա ջրհորին: Հասա ու մնացի քարի շվաքում: Բերանս էնպես է չորացել, որ թվում է՝ լեզուս կապ է ընկել... առաջ հլա էս քարի շվաքում մի լավ շունչ քաշեցի, հանգստացա.... Նայեցի՝ ավստրացիք էլի չեն տեսնում: Լավ... ո՛նց ջուր հանեն... Ջրհորի բերանը բարձր է: Մի արշինի չափ: Բարձրանամ թե չէ՝ տեսնելու են, որ տեսնեն թե չէ՝ կրակելու են:

Տերդ խնդա՛ Բաղդասար...

Փորձեցի պառկած կատուը կոխել ջրհորը – չեղավ:

Ճար չկար, պիտի բարձրանայի.... մտածում են, մտածում ու չեն իմանում, ի՛նչ անեն: Վերջը, կեցցե՛ս Բաղդասար. մի բան միտս ընկավ. աղյուխս: Լավ է՝ մոտս էր. հանեցի ու կանգնեցի: Կանգնեցի ու թափ տվի դեպի ավստրացիք: Ավստրացիք իրարով անցան, գլուխները հանեցին ակոպից ու նայում են ինձ: Ես էլ սպիտակ աղյուխս թափ եմ տալիս, որ չկրակեն... Մի կողմից թափ եմ տալիս, մի կողմից էլ կատուը կախում են հորը. էդ որ տեսան՝ ավստրացիքս հրացանները բռնեցին: Ես աղյուխս թափ տալով մի քանի անգամ ձեռքս բերանս տարա... Ուզում են հասկացնել, որ ջուր եմ տանում, ծարավ ենք...

Հասկացա՞ն, ի՛նչ էր – էլ չկրակեցին...

Աչքերս նրանց կողմը՝ կատուը կախ արի... Հիմի էլ արի տես, թուր կարճ է, ջրին չի հասնում... Ի՞նչ անեն: Վերցրի գոտիկս կապեցի թուրի ծերի, հասավ:

Չորը հանեցի, հանեցի ու նորից աղյուխս նրանց կողմը թափ տալով, կատուն առած վազում են: Ո՛նց եմ վազում. ձի գցես՝ չես հասնի: Ես վազում եմ, իսկ ավստրացիք ետևիցս ծիծաղում են: Էդ ես հետո իմացա. տղերքը դուրբինով նայել էին, պատմեցին:

Դեռ կես ճամփին եմ, մերոնք “ուռա” կանչեցին:

Մալադե՛ց Բաղդասար, մալադե՛ց Բաղդասար: Հասա ու տղերանց հետ ինքս ծիծաղում եմ իմ արածի վրա...

Բայց էդ ոչինչ: Դու էս ասա, թե մի կատու ջուրը քանի՞ մարդու ծարավ կկուտրի: Մի քանիսը խմեցին – հաստավ: Մնացածներն էլ մնացին ծարավ: Դե, գիտեք, ծարավ մարդու մոտ ջուր են խմում՝ ավելի է ծարավում: Ջուրը ամենից առաջ տվինք, իհարկե, մեր վաշտապետին, հետո ո՛վ ավելի ծարավ էր:

Տղերքը թե՛ արի՛ Բաղդասար, մեկ էլ գնա...

Խնդրում են, աղաչում:

Մտածում են՝ գնա՞մ, չգնա՞մ: Ամեն անգամ պապը գաթա չի ուտի: Ավստրացիք են, քեռուս տվերքը չեն. մի անգամ թողին – լա՛վ, երկրորդ անգա՞մ... Մտածեցի ու ասի՝ արի մեկ էլ գնամ, ինչ կլի՞ կլի՛... Էդպես ժամանակ մարդ հարբածի պես է ըլում: Շաշի պես հավեսի էի ընկել...

Էս անգամ վերցրի երկու կատու: Էլ ոչ թե սողում են առաջվա պես, կամ չոքե չոք են գնում, այլ կանգնած: Աղյուխս թափ են տալիս ու առաջ գնում: Ավստրացիք էլ նայում են: Կարծես սպասում են, թե մի բան պրտի ասեն:

Հասնում են ջրհորին, նորից մի քանի անգամ ձեռք բերանս են տանում, աղյուխս շարժում են ու կատույր կախում: Ավստրացիքս էլի նայում են: Առաջվա պես էլի՛ ոչի՛նչ... Բան չեն ասում...

Կատուները լցրի ու ե՛տ աղյուխս թափ տալով բերի:

Նոր տեղ էի հասել, մին էլ տղերքը թե՛

չրե՛ մի ավստրացի է գալի:

Ես դառնամ՝ դրուստ: Մի ավստրացի շոր թափ տալով՝ գալիս է: Եկավ, եկավ ու – ըհր՝ տեսնենք մի անամ էլ ձեռին:

Մերոնք թե՛

Ջրի է գալի...

Դրուստ որ: Եկավ ջրհորի մոտ կանգնեց ու ձեռի շորը թափ տվեց մեր կողմը:

Մերոնք թե՛

Այ տղա նրանք էլ են ծարավ էլել...

Ու թե դուք ժաժ եք եկել էնտեղ, մերոնք էլ էնպես: Բան չարին:

Ավստրացիս կոացավ, ջուր հանեց ու տարավ:

Էդ որ մերոնք տեսան, սիրտ առան: Թե՛ տղերք, եկեք մեկ մեկ գնանք ջուր բերենք: Բաղդասարը հո փողրաթ չի արել...

Ինչպես ասի – տղերանց մեծ մասը ծարավ էր դեռ: Էդ խոսքի վրա բոլորը թե՛

Գնա՛նք:

Վաշտապետին ասին: Էլի մի քիչ չեմ ու չում արավ, բայց թողեց:

Տղերքը գնացին:

Առաջ մեկ մեկ, հետո՛ երկու երկու...

Էդ որ ավստրացիք տեսան՝ իրանք էլ եկան:

Մենք գնացինք, նրանք եկան, մենք գնացինք, նրանք եկան, ու մին էլ տեսանք մեր գինվորների կեսը հրես ջրհորի գլխին: Մենք ու ավստրացիք խառնվել ենք իրար: Խոսում ենք, բայց իրար չենք հասկանում:

Հասկանում ենք նշաններով: Մենք ասում ենք՝ “Վաղա խորոշ”: Նրանք էլ՝ “գո՛ւթ, գո՛ւթ”... Էդպես խոսում ենք, ջուր ենք հանում, խմում, իրար հյուրասիրում ու ծիծաղում... Ես մինչև հիմա էլ չեմ հասկանում, թե ինչի՞ էինք ծիծաղում... Էնքանը գիտեմ, որ ուրախ էինք, շա՛տ էինք ուրախ... մինչև անգամ, երբ ջրից կշտացանք, սկսեցինք երես, ձեռներ լվանալ: Հետո ջրհորի էդ ժուրավը կոացրինք, բարձրացրինք... Ինչպես երևում էր՝ երկար ժամանակ չէր բանել – ճռում էր, ճռճռում ու էնպես ձեներ հանում, ոնց որ հարյուր տարվա հիվանդ: Դրա ճռճոցի վրա ծիծաղում ենք, հանաքներ անում... Ավստրացիք էլի ինչ որ բան են հարցնում՝ չենք հասկանում: Նրանք “գո՛ւթ գո՛ւթ”, մենք “խարաշո՛, խարաշո՛”:



Նրանք մեզ հացի կտորներ են տալիս, մենք նրանց պապիրոս: Ու էլի իրար ենք անցնում ու ժպտում:

Չգիտեմ, ինչքան ժամանակ էր անցել – մի րոպե թե մի ժամ – մին էլ տեսնենք մեր դիրքերից ձեն են տալի.

Ռեքյատա՛...

Ոնց ենք վազում՝ էլ դու պրծար:

Ետ եկանք: Վաշտապետը ծիծաղում է:

Հը՞, կշտացար, ասում է:

Մենք գլխով ենք անում:

Դա, վաշե բլագարողիյե:

Իսկ ավստրացոց հետ ի՞նչ էիք անում, հարցնում է:

Ոչինչ, ասում ենք, նրանց լեզուն չենք հասկանում:

Նա գլուխն օրորում ու բեղի տակ ծիծաղում է:

Հետո թե՛

Լավ չի՞, ասում է, երբ մարդիկ էսպես մոտիկ բարեկամ են իրար:

Նրա էս խոսքերի միտքը էդ ժամանակ լավ չհասկացա, բաց տղերանց հետ էլի գլխով արի:

Իհարկե, վաշե բլագարողիյե...

Էլ չխոսեց: Մենք էլ ծարավներս կոտրած, հանգստացանք: Նստել ու խոսում ենք, թե՛ ո՛նց պատահեց էս բանը, ո՛նց էլավ, որ ավստրացիք մեզ մոտ թողին ջրհորին: Մի քանիսը թե՛ “իրենք էլ ծարավ էին՝ դրա համար...”:

Խոսում ենք մեզ համար, մին էլ՝ իրիկնապահին մի հրաման, թե պետք է առաջ գնանք, պետք է կրակել, կրակե՛լ... Արի տես, որ տղերանցից ոչ մինը սիրտ չի անում կրակելու: Ձեռներիս չի բռնում, հասկանո՞ւմ եք: Քիչ առաջ իրար հետ ասում, ծիծաղում էինք, հիմի... չի ըլնում: Վերջը մեզ գոռ արինք. կրակում ենք, բայց վա՛յ էն կրակելուն... Մարդուն որ չես տեսել՝ ուրիշ բան է. կկրակես, կքշես՝ գնա, բայց որ տեսել ես, հետը խոսել, էն էլ մի երկու ժամ առաջ – ուրի՛շ է: Չի ըլում... Կրակում ենք, բայց էնպես: Գցում ենք օդի մեջ, գնում է...

Կրակեցինք, կրակեցինք, բայց էլի էն, էլի էն: Առավոտը մենք մեր դիրքերում էինք, ավստրացիք իրենց:

Բայց արի տես, թե բանից ի՞նչ դուրս եկավ: Մի օր անց՝ մեր վաշտապետին կանչեցին տարան: Նրանցից ետը մեր կապիտանը, նրա հետ էլ մի ուրիշ պարուշիկ եկան մեզ մոտ՝ խոսեցին: Կապիտանը, չոր, երկար մարդ էր՝ սարդ բնավորության տեր: Ջինվոր տեսներ թե չէ՝ նկատողություն. “Ինչո՞ւ է գլխարկդ ծոռ”. “Ինչո՞ւ լավ չբարևեցիր”, “Ինչո՞ւ շորերդ, շինելդ լավ չես կոճկել” ու էսպես բաներ: Եկավ սա ու սկսեց, թե՛ դուք, ասում է, եկել եք թշնամու դեմ կռվելու, պետք է կռվեք, ասում է, ինչպես կարգն է: Մի հավատաք, ասում է, էն մարդկանց, որ ձեզ կասեն, թե, ավստրացիք մեր բարեկամներն են: Սո՛ւտ է, ասում է, էդ բոլոր մարդիկ ստախոս են, դրանք հայրենիքի դավաճաններ են...”:

Խոսեց, խոսեց ու վերջն էլ թե՛

“Ձեր վաշտապետը սրանից եղբ սա կլինի”:

Այսինքն՝ հետը եկած պարուշիկը:

Խոսեց ու գնաց:

Իսկ մեր վաշտապե՞տը՝ Վասիլի Վլասի՞չը: Ո՞ւր տարան, ի՞նչ եղավ... Հարց ու փորձ, հարց ու փորձ – վերջը իմացանք, որ սպանել են... Մնացինք զարմացած, թե ինչո՞ւ: Նրանից էլ լավ մա՛րդ... Բոլորիս դրության մեջ մտնում էր, երբ մի բան էինք խնդրում՝ “չէ” չկար: Հիվանդ ժամանակներս գալիս էր մեզ տես, վիրավորված զինվորներին տանելու ժամանակ համբուրում էր, հետո նամակներ

Էր գրում, սիրտ տալի (Էդպես մի նամակ էլ ես եմ ստացել): Իսկ մնացածի հետ՝  
ոնց որ ախպեր կգար ձեռը մեջքներիս կխփեր, կհարցներ՝ ո՞նց ենք, ի՞նչ ենք... Ու  
էն բաների համար սիրում էինք նրան... Բայց արի տես, որ “վատ մարդ” է եղել,  
ասում է: “Վատը” ո՞րն է, ի՞նչ է արել: Էլի հարց ու փորձ, հարց ու փորձ – վերջը,  
իմացանք՝ մեղքը է՛ն է, որ թույլ է տվել, ասում է, իրա զինվորներին թշնամու  
զինվորների հետ խոսելու և չի թողել թշնամու վրա կրակեն... Էդ որ իմացանք՝  
կատաղեցինք: Էդքան էլ սո՛ւտ... Չէ՞ որ մարդը, ասում ենք, էդ բոլորն արավ, որ  
ծարավ չմեռնենք: Էլ ինչո՞ւ է էդ սուտը:

Խոսում ենք, բայց սրտներս էրվում է: Մտածում ենք, որ մարդը մեր պատճառով  
սպանվեց: Մտածում ենք, բայց ամեն մեկիս սրտին կարծես մի քար է ընկել... Մի  
օր էլ հինգ վեց հոգի խոսում ենք էսպես, զարմանում, զայրանում, թե Էդպես մի  
բան... Տղաներից մեկը վեր կալավ թե՛ “Էդ բոլորը մեր կապիտանի գործն է”:  
Մթան սպանելու պատճառը նա է եղել: Մտածում ենք – դրուստ որ – բոլորը նրա  
գործն է: Կարող էր, չէ՞ ձեն չհանել, իմացածը ուրիշների՝ մեծերի – ականջը  
չզգել, եթե դրուստ էլ ըլներ էն, ինչ ասում էին: Ուր մնաց որ՝ սուտ... Մեր մեջ  
կային ռուս, խախտլ, հայ, վրացի, լատիշ: Բոլորն էլ հավասար ցավում են. “Խե՛ղճ  
մարդ”... “Խե՛ղճ Վասիլի Վլասիշ”... Ցավում ենք ու չենք իմանում ի՛նչ անենք...  
Մի օր էլ էսպես հինգ վեց հոգով խոսում ենք, մեր ռուսը – Պավլուշա էինք ասում  
– վեր կացավ թե՛ “դրան էլ, ասում է, նրա օրը պիտի գցել”: Վրացի Դաթիկոն էլ  
է՛ն կողմից. “Ուղիղ է, ասում է, պե՛տք է...”:

Անցավ մի շաբաթ, ավստրացիք առաջ եկան, նորից ետ գնացին, ու էս անգամ,  
երբ ետ գնացին՝ մենք մեր դիրքերը հասցրեցինք ջրհորին: Ու հենց Էդտեղ մի  
գիշեր, երբ կապիտանը, ամեն անգամվա պես, եկել էր պրավերկի, մեր տղերքը,  
կրակոցի ժամանակ, ևս ևս արին դրան...

Ու երբ առավոտը դրա մարմինը գտան ջրհորի մոտ, բոլորն էլ կարծեցին, որ  
անցնելու ժամանակ ավստրացիք են խփել:

Էդպես էլ գրեցին գազեթներում...